



## Mataupu Faavae ma Feagaiga 63–66

7–20 IUNI

# O Le A le Siona?



### O Le Aai o Siona

Na ala mai i le Perofeta o Iosefa Samita, na tau mai ai e le Alii i le Au Paia o Aso e Gata Ai i le 1831 e faapotopoto ma fausia Siona i Initipene, Misuri (tagai Mataupu Faavae ma Feagaiga 62:2–4; 63:24–48). O nisi nei o faamatalaga e uiga i ai i lena taimi:

Sa o se itulagi sa na o le “lua pe tolu ni faleoloa, ma e sefululima pe luasefulu fale e nonofo ai [tagata], sa tele ina fausia i ogalaau na tatipi itu uma e lua.”<sup>1</sup>

Na faamatalaina e se isi tagata ia Initipene [o se nofoaga] e “tumu i folafolaga” ae sa na o le “lima pe ono ni faleoo ogalaau, lua pe tolu ni fale sa puipui i laupapa e fafa tulimanu i luga o isi laupapa, lua pe tolu ni fale na ta’ua o faletalimalo, sa masani foi ona tau o fale faatau ava malos; [ma] ni nai faleoloa.”<sup>2</sup>

Sa faamatala e **Eliza Lyman** le utiuti o mea na i ai a le latou aiga ina ua latou siitia atu iina: “Sa matou . . . nonofo i se tamai fale piliki sa lisi e lo’u tamā mo le taumalulu, ona sa lei i ai sona taimi e fau ai [se matou fale]. Sa matou ola matitiva i lena taumalulu, ona sa lei mananao tagata o lena itumalo i ni mea se tele ae nao sana falaoa, tipiga fasipuaa, ae toto/fafaga ni mea itiiti o isi lava mea; o le taunuuga, sa itiiti lava ni mea e faatau mai, ae ou te manatua sa i ai sa matou paelo meli ma ni fualaau faisua na mafai ona matou maua, ae sa leai se falaoa saito, ona sa le mafai ona faatau mai i lena nuu.”<sup>3</sup>

Mai nei amataga faatauavaa, e oo atu ia Iulai 1833 ua atinae e le Au Paia se afioaga pisi o ni tagata e 1,200. Ae peitai, o le tautoulu na mulimuli ane ai, na tutuli ese ai i latou e tagata faatupu vevesi mai le itumalo ma, i le 1838, mai le setete atoa o Misuri.

INITIPENE, MISURI, 1831. SAUNIA E ALI LONANU SAUNIA E GREG NEWBOLD; ATA O LE FAAPOTOPOTO MA FAALOLAAGA I LE FALEMAAAGA O TALAFASOLOPITO O LE EKALESIA

### O FEA SIONA I LE ASO?

“O le taimi nei, o lea lava ua faapotopoto i atunuu taitasi. Ua poloaiina e le Alii le faatuina o Siona (tagai Mataupu Faavae ma Feagaiga 6:6; 11:6) i atunuu taitasi ua la tuuina atu i Lana Au Paia e fananau mai ai ma avea ma o latou tagatanuu. O le nofoaga mo le faapotopotoina o le Au Paia i Pasila o loo i Pasila lava; o le nofoaga mo le faapotopotoina o le Au Paia i Nigeria o Nigeria lava; o le nofoaga mo le faapotopotoina o le Au Paia i Korea o Korea lava. O Siona o ‘e ua loto mama’ (Mataupu Faavae ma Feagaiga 97:21). O soo se mea lava e i ai le Au Paia amiotonu.”

**Peresitene Russell M. Nelson, Peresitene O Le Ekalesia a Iesu Keriso o le Au Paia o Aso e Gata Ai, “O le Lumanai o le Ekalesia: Sauniaina o le Lalolagi mo le Afio Mai Faalua o le Faaola” *Liahona*, Ape. 2020, 9–10.**



### E FAAPEFEA ONA TATOU FAATUINA SIONA I O TATOU ASO?

“O Siona e Siona ona o aga, uiga, ma le faamaoni o ona tagatanuu. Manatua, ‘sa taua e le Alii lona nuu o Siona, aua sa tasi o latou loto ma o latou manatu, ma sa latou ola i le amiotonu; ma sa leai foi se tasi o i latou sa mativa’ (Mose 7:18). Afai o le a tatou fausia Siona i o tatou aiga, paranesi, uarota ma siteki, e ao lava ona tatou ausia lenei tulaga. O le a manaomia (1) ia lotogatasi i le loto e tasi ma le manatu e tasi; (2) ia avea ma ni tagata paia taitoatasi ma tuufaatasi; ma (3) ia tausia e matitiva ma e le tagolima i se lelei ia faapea ona leai ai se tasi e mativa ia i tatou. E le mafai ona tatou faatalitali sei iloga e oo mai Siona ona faatoa tupu lea o nei mea—o le a faatoa oo mai Siona pe afai e faia ia mea.”

**Elder D. Todd Christofferson o le Korama a Aposetolo e Toasefululua, “O Mai i Siona,” *Liahona*, Nov. 2008, 38.**



### FAAMATALAGA

1. Ezra Booth, “Mormonism—No. VI,” *Ohio Star*, Nov. 17, 1831, [3].
2. Charles Joseph Latrobe, *The Rambler in North America* (1835), 1:104.
3. Eliza P. Lyman Journal, 1846 Fepuari – 1885 Tesema, 8–9, Faleusi o Talafaasolopito o le Ekalesia, Aai o Sate Leki; ua faalaugatasia le sipelaga ma le faailogatusi.